

Hortamento di auto ta pone empleadonan di Car Rental drenta accion

Nan no kier pa nan Pan worde afecta mas!

ORANJESTAD (AAN): Varios Car-Rental na Aruba ta confronta problema cu hortamento di auto! Parce cu ladronnan di auto ta core rond y check unda nan por haya un vehiculo cu number "V" riba dje pa horte, y plama esaki di otro enbusca di pieza.

Den un entrevista cu empleadonan di National Car Rental, nan a muestra cu e fenomeno aki ta sigui persisti. Ora cu tin suerte cu e compania ta haya e auto horta back, nan ta bin descubri cu e vehiculonan ta sin radiator, sin compressor, sin luz, sin grille, etc.

"Completamente destroza parti dilanti, siendo cu na tur nos hood tin candal," e empleadonan a declara na DIARIO.

DIARIO ta na altura cu pa varios aña caba, companianan di Car-Rental ta mara wielnan cu candal, ta pone wheel-locks na wielnan, ta pone cadena rond di bateria, y awor hasta ta mara hood cu cadena. Pero ni esey ta yuda.

Anti-socialnan ta bin cu sker special pa kibra cadena, of ta dobla e hood cu hero pisa pa asina haya acceso na e parti di motor.

E grupo di ladron cu ta haci e cos di abuso aki, ta sigui opera bay goal. Esey nifica cu tin comprador keto bay di pieza horta.

Pues e mercado di "pieza horta" di bumper, motor, dashboard, distributor, y porta, wantalodo, hood, etc., ta hopi lucrativo.

Mayoria di e vehiculonan



E auto aki ta uno basta nobo cu a ser horta y a ser haya asina tur kima faltando tur pieza..

cu ta worde horta di National Car Rental, ta Toyota Tercel.

Cada hortamento di auto ta worde raporta mesora na Polis. Turistanan tambe ta existi esey, pa nan proteccion.

Mayoria di robo di e compania, ta socede den e area banda di Holiday Inn Sun-Spree Resort y Tony Roma's Restaurant, tambe hopi biaha na un Apartamento na Bubali.


Empleadonan di e Car-Rental ta calcula cu na 2002, nan a bira victima di 7 auto horta. Te cu awor na Juli 2003, nan ta bayendo den mesun direccion. Awor recien

tabatin 2 robo riba un solo dia.

A ser splica na DIARIO, cu e turistanan ta cuminsa haya miedo di huur auto na Aruba. Hasta riba Internet tin informe mahos ta circulando caba, incluyendo riba website di Gobierno Mericano tin algo menciona riba esey.

National Car Rental hasta a haya un auto di nan full kima, despues cu ladron a pluma e vehiculo.

"Nos como Empleado awor ta cuminsa pone man na obra, como cu e hortamentonan aki ta hungando cu nos trabao," a ser splica na DIARIO. "Pa-




E Tercel aki a perde tur loke tin aden y tambe tur e portanan, hood y bahul.

sobra asina hopi perdida no por worde absorba door di un compania."

Aña pasa caba nan a sinti esey. Fin di aña el a afecta nan bonus di Pasco. Pesey empleadonan mes ta manda advertencia serio na e ladronnan sin escrupulo, pa nan watchout.

Keto bay National Car Rental tin auto perdi. Pero empleadonan mes ta cuminsa bira detective, y ta hayando indicacion kende e "pandiya di ladron" aki por ta. Algun herment cu "inicial" a worde haya. A duna tur e descubrimientonan aki na Polis, pero nan no kier haci nada.

PONE E PASAHERO TAMBE NA CANDAL!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



**Carpet
NEW STOCK
Afl. 75,=**